

第七八九冊

經濟彙編

考工典

臺部
亭部

(卷)

104—110
111—116

古今圖書集成

中華書局影印

古今圖書集成
目錄

卷一

卷二

古今圖書集成

中華書局影印

欽定古今圖書集成經濟彙編考工典
第一百四卷目錄

亭部彙考二

江南通志 江寧府 鎮江府 蘇州府 松江府 常州府
安慶府 徽州府 寧國府 池州府 太平府
廣德州 鳳陽府 徐州府 滁州府 和州
浙江通志 杭州府 嘉興府 湖州府 寧波府
嚴州府 溫州府 處州府 金華府 衢州府
江西通志 南昌府 九江府 建昌府 南康府
臨江府 吉安府 瑞州府 袁州府 贛州府
湖廣通志 武昌府 漢陽府 黃州府 安陸府
德安府 荊州府 襄陽府 岳州府
廣陽府 長沙府 永州府 寶慶府 岳州府
福建通志 福州府 泉州府 漳州府 延平府
興化府 漳州府 福寧州

考工典第一百四卷

亭部彙考二

江南通志

江寧府

賞心亭 在府下水門之城上下臨秦淮盡觀覽之
勝丁謂建亭燬馬光祖重建丁晉公初典金陵眞宗
賜周昉所畫袁安臥雪圖曰付卿到金陵可選一絕
景處張此圖謂遂張於此亭
白鷺亭 在府接賞心亭之西下瞰白鷺洲柱間有

東坡留題

翠微亭 在府城西五里清凉寺山頂南唐時建淳
祐己酉淮西總領陳綺新而大之石城登臨最佳處
新亭 在府城西南十五里近江渚一日中興亭丹
陽記曰京師三亭吳舊立先基既壞隆安中丹陽尹
司馬恢徙創今地世說過江諸人每暇日輒相邀出
新亭藉卉飲宴周侯領在座歎曰風景不殊舉目有
山河之異皆相視流涕丞相導曰當共戮力王室克
復神州何至作楚囚相對泣耶孝武寧康元年桓溫
來朝頓兵新亭召王坦之謝安發其壁後置人溫
爲却兵笑語移日乾道五年畱守史正志即故基重
建

勞勞亭 在府古送別之所吳置亭在勞勞山上顧

家寨大路東即其所李白詩勞勞送客亭即此

紅羅亭 在府古今詩話南唐後主作紅羅亭裁紅

梅作艷曲歌之宋景定志作羅江亭

化龍亭 在府幕府山側晉識云五馬渡江一馬化

龍故名

甘露亭 在府北陳大建七年秋甘露降樂遊苑詔

於苑內覆舟山立亭

水龍亭 舊志在移忠禪院路西去府城七十里在

江寧鎮舊傳有香木浮至土人迎之爲亭又號木牛

亭

蘇州府

金昌亭 在府閶門外陸龜蒙謂梁鴻墓在焉

醒心亭 在府封門裏有土阜對峙水中雖巨浸弗
沒號曰浮墩後遊諱改曰浮丘

滄浪亭 在郡學東傍有小山高下曲折與水相縈

帶中吳節度使吳承祐作亭於上名曰滄浪

思思亭 在府舊木蘭堂之左祀韋應物白居易劉

禹錫

范公亭 在崑山縣薦嚴寺後園池上范成大讀書

處

賞心亭 在常熟縣西即舊絃歌館

松江府

松澤西亭 在婁縣西南船子和尚維舟詠歌處後

爲西亭蘭若

知樂亭 在府城西邵桂子養魚池下

醉眠亭 在青龍江上宋僧行中建蘇軾名

常州府

東山亭 在郡治金溪館對河唐大曆中獨孤及守

郡建

望亭 舊名御亭在無錫縣南四十五里與蘇州分

界 觀鵝亭 在無錫開利寺相傳晉右軍王羲之別墅

繡嶺亭 在無錫縣惠山西宋光祿滕中允建以花

木繁盛故名

泳飛亭 舊名弄州在宜興縣迎華驛前宋放生之

所

澄翠亭 在宜興縣南法藏寺前宋治平間建前面

南嶽北牀蛟川初名浮蓋

鎮江府

迴賓亭 在府建康實錄梁武帝大同末幸京口宴

帝鄉故老於迴賓亭

雄跨亭 在府金山寺內取宋高宗雄跨江南二百州之句

寶壘亭 在府西北以貯王奐之所集右軍書陀羅尼經幢及華陽真逸廬鶴銘

送江亭 在府石公山上乾道己丑郡守陳天麟建取蘇子瞻詩宦游直送江入海之句

神亭 在丹陽縣延陵西三十里即吳孫策遇太史慈處

淮安府

千金亭 有二一在淮陰舊縣西韓信徵時漁釣於此漂母常進食信既貴報以千金後人因築亭其上

一在清河跨橋

水敬亭 在府望雲門外宋太守應純之開管家湖水敬亭 在府望雲門外宋太守應純之開管家湖水敬亭 在府望雲門外宋太守應純之開管家湖水敬亭

三亭 淮安韓亭在淮陰故縣南漕渠故亭在淮陰故縣北漕渠步亭在淮陰故縣西橋南以韓信故草步驚故名

南昌亭 去府治西二十里韓信徵時常從亭長寄食亭長妻苦之餐食不為具食竟絕之信後為楚王名亭長賜百錢曰公小人為德不竟

聖化亭 在贛榆縣西五十里夾谷山孔子相魯會齊侯處

昇仙亭 在邳州南相傳州人劉綱於此昇仙去人因築亭立祠

漁亭 在邳州西沂河東岸相傳晉石崇出鎮下邳遊釣於此今稅課局即其地

揚州府

風亭 在府治內宋徐誥之為南兖州刺史以廣陵城北多陂津水物豐盛乃建風亭

水亭 在府治內唐獨孤及有水亭汎舟望月宴集賦詩

賞心亭 唐咸通中李蔚鎮淮海於戲馬亭西連玉鉤斜葺亭曰賞心

延賓亭 在揚城北南唐李昇建以待四方之士後徙於城南

竹西亭 在府城東大儀鄉上方禪智寺前取唐杜牧之詩誰知竹西路歌吹古揚州之句

波光亭 在府城外舊名九曲亭陳造有賦

無雙亭 在府後土祠前舊植瓊花歐陽修守揚州作亭賞之有會向無雙亭下醉之句

四柏亭 宋淳熙中重建學宮揚州教授彭方植四柏於廳事後李迪扁其堂曰景鄒

借山亭 在府九曲池北宋馬仲甫於九曲池買地築亭名曰借山

春貢亭 在揚州蜀岡宋歐陽修有和劉原父春貢亭詩

美全亭 在府治內宋歐陽修建鄧典裔重建

勸耕亭 在郡圃淮海堂後每歲仲春出郊勸農寓於上方寺宋建亭於寺之前

南麗亭 在府南門外宋元豐七年詔京東淮南築高麗館以待朝貢之使紹興三十一年向子固重建扁其門曰南浦亭曰瞻雲為迎餞之所

江山風月亭 在府瓜洲鎮熊氏建鎮南王書避暑於此

白沙亭 舊在儀真白沙洲唐韋應物有白沙亭逢吳叟歌宋嘉定間方信儒移於注目亭故址

青鸞亭 在儀真西山宋祥符間詔即其地鑄聖像有青鸞白鶴飛遶爐冶之上因立青鸞白鶴二亭

壯觀亭 在儀真城二里北山之巔宋建米芾書扁有賦及詩

肩輿亭 在壯觀亭東發遣使張汝賢立

涵虛亭 宋歐陽修過真州曾泊此亭

盤遠亭 在儀真潮閣西宋米芾書扁

天開圖畫亭 在儀真郡圃西城之上嘉定間運判吳機別建樓於朝宗門外仍因前名又於樓後創水竹喜京漣濟聞凱轉幽五亭

天壁亭 在高郵新城多寶樓橋西秦少游有詩

甌珠亭 在高郵北一十里樊良鎮宋嘉祐間天長澤陂中有一大珠天晦多見後轉入甌社湖或在新開湖樊良當珠往還之處因以名亭

濯纓亭 在興化縣舊稅務前俱宋天聖間范仲淹建吳莘記

六詠亭 在泰州舊曰齊雲又曰平遠前有三致堂須友亭 在泰州與浮香亭對宋守陳瑗種竹為屋曰須友以竹必友梅亦茂陵御書也

歸鶴亭 在泰州東七里鶴林昇具觀內徐神翁瘞劍所也

思賢亭 在泰州西溪鎮東寺塔院呂彝簡手植杜丹於此後人思之因名

安慶府

時公亭 在桐城縣北二里邑令有時姓者以禮化民人感之故名

傳衣亭 在潛山縣三佛祖傳衣與四祖處

立化亭 在潛山山谷寺三祖合掌立化處

三高亭 在潛山山谷寺明郡守吳繼宗爲晉何求何點何應建

對酌亭 在宿松南臺李白舉杯邀月處

徽州府

時雨亭 在婺源二都龜潭上元達魯花赤訥懷於潭禱雨有驗因爲記

環綠亭 在婺源儒學山右

寧國府

景梅亭 在郡城南柏山寺都官梅堯臣墓祠之左

謝公亭 在府治北即謝朓送范雲之零陵處李白詩謝公離別處風景每生愁

響山亭 在郡城東南二里唐刺史路應隆潭爲梁建兩亭於東西巖

蒸霞亭 在涇縣縣圖宋魏杞建亭畔植桃取韓昌黎詩種桃處處惟開花川原遠近蒸紅霞之句以爲名

池州府

弄水亭 在府治通遠門外舊橋之西杜牧取李白欲弄水中月之句

翠光亭 在府池口瀕江有岳飛石刻詩

清溪亭 在府清溪曹緯有詩蘇軾有詞王安國有記

太平府

思瑾亭 在當塗縣外即今采石館驛昔人思周公瑾而作

燃犀亭 在采石牛渚磯上溫嶠平蘇峻還鎮至此燃犀燭怪見水族覆火奇形異狀曰與君幽明道別何意相照

賞詠亭 在當塗縣采石鎮晉謝尚鎮采石月夜泛舟聞別艇詠詩邀與談論及旦知爲袁宏薦於朝後人作亭志之

暮雲亭 在采石鎮藏李白宮錦處

捉月亭 在當塗采石山相傳太白泛舟醉狂從水中捉月故名

玩鞭亭 在蕪湖北三十里晉大寧二年王敦將舉兵內向明帝蔡敦營壘敦正晝寢夢日遶其城驚起使五騎追帝帝馳去見逆旅賈食嫗以七寶鞭與之曰後有騎來可以相示追者至問嫗嫗曰去已遠矣因以鞭示之五騎傳玩稽留遂久帝獲免故名

吳波亭 在蕪湖西門外瀕大江隆興年建有張孝祥書扁

識舟亭 在蕪湖鶴兒山俯瞰大江具遊覽之勝

志喜亭 在蕪湖神山巔宋乾道中縣令沈端節禱雨李公祠有應建亭以名

廬州府

偃隱亭 在廬江水簾洞上宋隆興二年知縣劉銑構表左慈之蹟

鳳陽府

御書亭 在府龍興寺內明洪武十六年建有碑御書第一山三大字

脩然亭 在臨淮府廳子城上舊名觀瀾元祐中王雍易此名

四望亭 在舊府城唐刺史劉嗣之建李紳爲之記云雲山左右長淮紫帶下繞清淮旁關城邑紳形相短小後人因名曰短李亭

藏春亭 在臨淮舊治城東北隅上

聖水亭 在懷遠縣大禹廟前歲旱禱雨輒應元人構亭其上

晝涼亭 在壽州北五里有石屋

玻璃泉亭 在盱眙縣有米芾書

扶疎亭 在宿州治後北城上東坡守徐書遺墨竹一本於宿宿人鐫石構亭貯之

清潁亭 晏公守潁州作亭城陰俯瞰潁水

竹間亭 蘇文忠公守潁州時作

擇勝亭 蘇東坡守潁州日以帷幕蔽後園池上暇日出遊挈以自隨會意處輒張布席觴詠終日

雙柳亭 在潁州宋晏殊守郡日手植雙柳至歐陽修爲守柳已成陰遂建此亭

徐州

思亭 宋人甄氏築於州之壘陳后山爲記

快哉亭 在徐城東南隅宋李邦直持憲節構亭郡守蘇軾名曰快哉唐人薛能陽春亭故址也

放鶴亭 在雲山之麓宋山人張天驥所築山人有二鶴旦放暮歸蘇軾爲記

蘇墨亭 在徐州百步外明主事尹珍於洪東崖亂石中得石刻一郡守蘇軾撰

紅亭 在蕭縣左傳昭公八年蒐于紅相傳即其地

心遠亭 在碭縣境內元人陳簡卿所築

豐西亭 在豐縣西澤中漢高祖爲亭長時送徒驪山過此亭縱飲

鳧鷖亭 在豐縣治後東隅池上舊名四望宋治平縣令開景仁重建易今名

滁州

醉翁亭 卽醉翁樓舊蹟僧智僊建歐陽修爲之記明嘉靖間太僕卿趙欽建樓

豐樂亭 在州城西南幽谷紫微泉上宋歐陽修建自爲記眉山蘇軾書刻石

翼然亭 在州醉翁亭右

茶仙亭 在州瑯琊寺宋紹聖中建

和州

犀照亭 在州東南十里當利口北岸晉溫嶠燃犀處

水心亭 在三老堂前張文昌詩看花多上水心亭項亭 在郡城東四十里烏江鎮東南乃羽藏衣冠之所昔唐有羽像碣圓袍短帽戟髯重瞳宋紹興辛巳金主亮渝盟來乞環玦神不從欲焚廟俄梁間有大蛇出聞林中若兵甲聲亮懼散去未歷陽杜默下第夜歸就廟宿以其文質於神前痛哭大呼曰英雄如大王而不能得天下有才如杜默而見放於有司豈非命哉神塑像淚出泥界於面

廣德州

景范亭 在州治西社稷壇右舊有范文正公獄亭在州治半里許明判官鄒守益建亭以紀其績

浙江通志

杭州府

放鶴亭 在孤山之北元至元間儒學提舉余謙旣葺處士之墓復植梅數百本於山構梅亭於下郡人陳子安以處士無家妻梅子鶴不可偏舉乃持一鶴放之孤山特建放鶴亭以祀之歲久傾圮

客兒亭 客兒謝靈運小字盧元輔詩長松晉家樹絕頂客兒亭是也一稱夢謝亭杜明甫建

翠微亭 宋韓世忠忤秦檜解兵柄追遙湖上最愛此山故建此亭邵古菴曰紹興十一年冬岳飛死十二年三月世忠卽建此亭謝兵柄時獨游焉按岳有登池州翠微亭詩曰經年塵土滿征衣特地尋芳上翠微好水好山看未足馬蹄催趁月明歸蓋韓當時憶岳故以此詩題名亭隱痛之也亭在飛來峰半亦寓思岳意

介亭 在鳳凰山排衙石對宋郡守祖無擇建

樟亭 在錢塘縣舊治南五里後改爲浙江亭今浙江驛其故址也

祥光亭 在徐杭縣大滌洞曰錢武肅微時嘗臥巨石之上指洞而言曰異日或富貴當建亭覆此石及衣錦回轡飾顏盛其石後瘞亭下祥符五年中使及曹臣州佐臣今偕集於此忽五色雲出洞中數刻方散因名亭曰祥光樵者間有見仙人奕碁於亭至前則不復見咸平中民有來盜其楹斧之炎焰隨起飛逐盜爲驚散今廢

嘉興府

會景亭 在嘉興縣東南滬湖濱宋尚書潘師旦園中舊爲宋世家柳氏莊莊有南塢海棠亭白蓮沼桃

花亭紅薇徑茶溪仙鶴亭芙蓉塘白苧橋漁散十景咸會於此故名

欄李亭 在秀水縣西本覺寺卽春秋時吳越戰爭之地後立亭以識其蹟久傾圮明宣德壬子寺僧志嵩重建

養茶亭 在秀水縣西景德寺之東禪堂宋學士蘇軾三過嘉禾汲水養茶處後人建亭識之今廢遺址尚存

湖州府

三癸亭 在烏程縣杆山顏真卿癸亥年癸月癸日建因名

窪鐏亭 在烏程縣亭內有李相石鐏唐大曆中建至正時廢明萬曆二年推官張應雷復建湖州治之南有峴山奇崛孤清下浸碧湖與浮玉對峙上有石竇如鐏可注斗酒唐開元中郡別駕李適之勸亭其上匾曰窪鐏大曆中顏真卿爲郡守公暇同諸縉紳遊留亭中作石鐏聯句遠近播揚歲久亭廢而鐏存

鷗波亭 在歸安縣西江渚匯上趙子昂遊息之所今爲旗纛廟

寧波府

超然亭 在桃渡造船塲宋鹽官晁說之建後卽其地祀說之名濱江廟

平楚亭 在郡城南樑社之陽瑞光樓前分水中洲是也洲當水三合處北通桃源西接它山東南流入郡城昔人建亭其上匾曰平楚觀濶今廢

飛雪亭 在奉化縣雪竇山高元之有飛雪亭詩焉

紹興府

東武亭 在府城內龜山以山自東武飛來也唐元
禎醉題東武亭詩役閑人事紛紛碎簿書功夫兩
衙盡留滯七年餘病痛梅天發親情海岸疏因循未
歸得不是憶鱸魚

候軒亭 在山陰縣圖經唐觀察使李紳嘗於府東
建候軒亭棹光錄稱皮光葉微時夢亭上偶人皆列
拜覺而自負後果知東府事嘉泰志稱宋時故老云
翟忠惠公帥越亭尚無恙公出有風習其徽窺闌干
上或謂亭神實爲祟也公怒即日撤毀之今市人猶
稱軒亭西溪叢語紹興府軒亭臨街大樓五通神據
之土人敬事翟公異帥越盡去其神改爲酒樓神座
下有一大酒字亦非偶然目爲和旨樓取食貨志酒
酣在官和旨便人

白樓亭 在山陰縣常禧門外附城起今有白樓堰
焉水經注大夫文種之所葬山上有白樓亭亭本山
下縣令殷朗移置今處沛國桓儼避地會稽聞陳業
履行高潔往候不見儼後浮海南入交州臨去遺書
與業以行李繫白樓亭柱而去會稽記曰亭在山陰
臨流映壑也世說孫興公許元度共在白樓亭商略
先往名達林公既非所關聽訖云二賢故自才情未
徐天祐詩江左名流共往還白樓何許只青山不須
商略閑今古物換星移俯仰間

蘭亭 在府城西南二十七里越絕書勾踐種蘭渚
田晉右軍將軍會稽內史王羲之與同志太原孫綽
陳留謝安及其子獻之等四十二人修禊於此水經
注湖南有天柱山湖口有亭號曰蘭亭亦曰蘭上里
太守王羲之謝安兄弟往造焉吳郡太守封蘭亭侯

蓋取此亭以爲封號也太守王廙之移亭在水中晉
司空何無忌之臨郡也起亭於山椒極高亭宇雖壞
基陛尚存按泰法十里一亭亭者猶今之鋪也故有
亭長亭侯蘭亭柯亭楊亭嶧亭皆此類右軍序稱會
稽山陰之蘭亭亦若云山陰之某里某鋪爾自是後
人遂以蘭亭爲右軍游宴之亭樹者然非其本矣
蘭亭書院在山陰縣天章寺前明嘉靖二十七年知
府沈啓遂移蘭亭曲水於其地文待詔徵明爲作記
書丹勒石今所謂蘭亭者是也

王子敬山亭 在會稽縣雲門山

飛翼亭 在會稽縣龍山之巔昉自范少伯至明太
守湯公重葺之名曰越望故老相傳爲一郡形勝所
係歲久傾圮荒址隱於叢棘間

更好亭 在餘姚縣龍泉寺後宋高宗嘗幸寺登此
望風物訖曰更好云

挾溪亭 在嵊縣剡山頂圓超寺盡得溪山之勝景
傍有俯山堂下瞰郡山

嶧亭 在嵊縣山下水經注江水北逕嶧山山下有
亭其亭帶山臨江松嶺森蔚沙澧平淨

楊黃門堞亭 在嵊縣水經注白鹿山北湖塘上舊
有亭吳黃門郎楊景明居於弘訓里太守張景數往
造焉使開瀆作堞堞上作亭亭堞皆以楊爲名孫恩
作賊從海來楊亭被燒後復修立厥名猶在

金華府

極目亭 在府子城上宋熙寧中建名雙溪樓政和
初知州呂綜改名疊嶂紹興中知州曹璉即故基建
亭更此名

聖覽亭 在金華縣東南半里金華縣學之後高阜
隆起郡中勝概一覽可見宣德三年郡守錢潤建一
覽亭杜桓貝泰王杰章延年俱有記嘉靖間郡守宋
麟以明祖嘗登覽於此重建名聖覽亭

甘露亭 在州衙後舊名芙蓉宋元豐二年春甘露
降知州鍾離景伯率寮寮觀之易是名今廢

東峰亭 在蘭溪縣聖壽寺後山之東峰舊名新亭
唐洪令所建

涵碧亭 有二一在州衙甘露亭北宋紹興十二年
知州周綱重建一在東陽縣南五里崑山下唐寶曆

二年知縣丁典宗建下穿方池刻石作雙魚引水貫
其中以爲流觴之所唐劉禹錫有詩羅隱有記焉

水樂亭 在東陽縣西南八里兩山對峙有飛泉數
丈界山而落泠然有聲宋熙寧中知縣王傑作亭澗

上取元次山水樂之說名之宋蘇軾蘇轍有寄題水
樂亭詩今廢

白雲亭 在東陽縣八華山許白雲先生講學之所
今廢

衢州府

徵夢亭 按信安志豆盧署初名輔真少旅於衢刺
史鄭武瞻謂曰子複姓不立二名乃書署字授之夕

夢老父云聞使君與君易名君當四舉成名後二十
年收茲郡指一地方曰此處可建亭臺既悟因名署

時已再下第又四舉乃成名後二十年果刺衢於所
指地立徵夢亭

月波亭 在開化縣金錢山北宋山長江天然建天
然二子俱中神童科朱子過訪書月波臺亭今不存

獨往亭 在常山縣容車山宋趙鼎立

水月亭 在開化縣東金錢山下正德間宿州知州

徐琯建後給事徐文溥開講於此匾其堂曰諫議講

堂

竹亭 在開化縣靈山寺側正德間憲副徐文涵綿

州學正徐璉刑部郎中朱淳進士徐公遴俱會於斯

亭地勢迫窄宋因買地植竹移亭於西山之麓時舉

會焉

李公亭 在開化縣明正德八年饒寇犯境都指揮

使李隆統兵力戰賊遂逃遁趙遷至都督府祭將民

立生祠於此城上遺址尚存

劉公亭 在開化縣饒寇亂邑舊無城縣令楊燦築

土城以禦賊寇平食憲劉秉常與同知伍文定築城

衛庶民立生祠於南城亭址俱廢

嚴州府

客星亭 在桐廬縣釣臺舊為客星閣宋紹興四年

郡守顏為建明弘治間知府李德恢重建改閣為客

星亭

溫州府

二高亭 在樂清縣西塔山半俗呼半山亭有碑刻

云晉王羲之謝靈運唐孟浩然曾遊此外又有更幽

亭在白鶴寺前雙瀑亭在簫臺山下

處州府

擬滌亭 在府治照水堂前郡守蘇簡建下瞰清流

以環望皆山故名

點易亭 在青田縣西北青田山巔昔清溪道士明

周易父象修道此山道成尸解後人慕而立亭為一

邑勝覽古今名賢至是必登亭遊賞題味填諸四壁

道士世傳為葉法善唐玄宗有詩贈之云清溪道士

人不識上天下天鶴一隻洞門深鎖碧懸寒滴露研

硃點周易

見一亭 在青田縣東儒學後山宋鄭汝諧建亭後

石壁其平如削高二丈許水從石裂中出清冷不竭

上鐫界石泉三字亭後山有石榻可坐上鍋伙義臺

三字

得月亭 在遂昌縣治前有八十景知縣黃德裕有

詩贊之

綠玉亭 在遂昌縣兌谷包山下舊名綠漪因湯令

詩更此名焉

籍桂亭 在慶元縣前舊有亭扁籍桂二字立石題

進士名旁有池植荷花夾岸栽楊柳元時建今廢

放生亭 在郡城古放生池上所謂淨池也宋紹興

十五年郡守徐度建久廢元志略載自蕭梁僧司馬

疏導水利有濠河二處一自通惠門出清香橋下經

淨池至黃靈下今府治前出迎春門外一自清香橋

下循街而南達於濠頭東過黎園巷繞市後逶迤抵

應星橋下出大溪所潛皆環坡之水其濠闊處半植

荷菱名荷塘先以汙淺無蓄儲之水每至延燎多不

能救居民苦之宋慶元丁巳郡守趙善堅先知其害

乃分委戎官疏導諸渠棚為三關覆以巨石使水可

積今歲月衰遠失其舊址人家前小溝塞不通濠一

行視郡中知有舊渠考詢志書故老遂檄府修知府

李公冕首鑿通惠門淨池以潄其源次疏二渠分麗

陽溪水隨勢導之入城皆為閘以時蓄洩向之侵築

者公令自首釋其罪與之改正疏鑿之工沿渠民各

事之無居民則官事之三越月功成焉建亭名曰得

月

醉月亭 在縉雲縣赤岩前唐李陽水建

雨松亭 在縉雲縣仙都洞天門側有二松枝幹甚

古大數十圍每晴日當午雨點滴瀝陰晦則無故名

雨松宣德年間俗道以遊觀者衆勞於迎送伐以為

薪

松壑亭 在縉雲縣西二十五里松阜之陽山水清

勝元黃潛呂伯良時遊味於此

江西通志

南昌府

碧波亭 在府城東湖南唐時有之一名綠波亭宋

熙寧中改冊孺子祠

涵虛亭 在府城東湖洲上唐時有之更名環波亭

東湖亭 在府城東南唐時建符載為記

南浦亭 在府城廣潤門外唐元結符載俱有南浦

送別亭今名為南浦驛

石亭 古圖經唐觀察章丹置在觀音院

徐孺子亭 在府城東湖高橋南唐時有之

梅仙亭 在府城南故望仙門外內祀梅子真宋嘉

泰初知隆興府張孝伯建
閔武亭 在東湖東百花洲宋張澄所建
水天一色亭 在府城故洪喬門外宋時建

湖山千里亭 在府城故望雲門外宋建取昌黎滕王閣序湖山千里之語爲名

豫章溝亭 在望雲堤上宋太守程思夢建楊傑有詩

吏隱亭 在府城東湖內新建縣學西南祀梅子真與南昌縣學東南徐孺子亭對峙明萬曆年間知府盧廷選建有題句曰疏草孤忠扶赤漢湖雲千載擁丹經宋紹興中封子真爲吏隱真人故以名亭

聘君亭 在徐孺子墓側卽思賢亭也

列岫亭 在府城北天寧寺背對西山取謝元暉臆中列遠岫之句爲名朱晦菴過豫章每徘徊於此謂列岫望西山最正殆無毫髮遺憾滕王秋屏皆不及也

望湖亭 在新建縣北吳城山龍王廟背宋蘇軾還自僊耳登望湖亭有詩

寶氣亭 在豐城縣西北敝大江舊有二碑刻唐李德裕劍池賦宋黃長善石隄記

讓泉亭 在豐城縣龍澤寺相傳浮丘王郭仙跡

靈境亭 在奉新縣百丈山唐宣宗潛時遊此

此君亭 在奉新縣寶雲寺西北宋知縣李平愛其竹清茂作此君亭記蘇子瞻過亭上有題

植芳亭 在靖安縣法華寺內明正德六年知府李承勛以勦賊至寓此寺植柏四株於法堂前知縣范士賢因築亭以植芳名之

桂香亭 在寧州黃龍院內黃庭堅與禪師惟清遊有時聞一陣桂花香之句因以名亭

饒州府

魯公亭 在府城東薦福山有唐歐陽詢所書薦福寺碑顏真卿嘗覆以亭後人因名范仲淹爲守時有書生獻詩其工自言困窮仲淹欲舉千本與之使售以自給紙墨已具一夕雷擊碑時人爲之語曰運去雷轟薦福碑

芝亭 在芝山巔唐薛珉作郡神明馭下山生瑞芝六莖遂作芝亭

蜀錦亭 在府治內慶朝堂右宋范仲淹植海棠二株其後鄧柯築亭題曰蜀錦王十朋詩亭廢名猶在春來花自芳猶餘蜀中錦愛惜比甘棠

五老亭 在府城北芝山之巔因宋范仲淹詩有五老夕陽開之句故名

四望亭 在府城上四望豁然宋范仲淹建

止水亭 在府城北芝山後宋江萬里罷相還寓居於此鑿池創亭扁曰止水人莫喻其意及元兵陷城萬里赴止水死左右及子錦相繼投水中積屍如壘翌日萬里屍獨浮水上從者斂之邵寶有辭

春香亭靜虛亭 俱在舊州治內宋范仲淹勑

鄭公亭 在府城北五里宋鄭日新治政有聲民築亭於通衢以懷之

野處亭 在鄱陽縣贛州上宋洪景廬乞歸御書野處二字遂以名亭

舒嘯亭 在縣治東偏雷山嶺傍有岩名香石岩洞名黃龍洞右有天池闊不尋尺雖盛夏隆冬其水不竭左有澗池深數尋雖天雨淋漓不注勺水蘇軾以子邁爲縣尉會遊其地賦有詩

干樾亭 在餘干縣羊角山前敝琵琶洲唐初張彥

俊建韋昭以邑名之唐李德裕重建劉長卿有詩白雲亭 在餘干縣白雲坡上唐李德裕建宋黃庭堅有詩

乘風亭 在餘干縣冠山巔天氣晴朗可望匡廬宋張浚嘗寓是縣每夏暑與二子杖杓憩息其下因名

風木亭 在餘干縣彭孝子結亭以寄哀虞集有詩

浮碧亭 在浮梁縣昌江南山水奇絕可愛宋張景修詩一潭秋水不見底十里曉山無盡頭

聽松亭 在浮梁縣王大丞相有水禽三巢怡然自得王安石有詩

絕境亭 在安仁縣王十朋守饒嘗有絕境逍遙雲錦洞詩

廣信府

一杯亭 在府城南南臺之左宋趙汝愚爲郡未踰年政成惠洽郡人於城南祥符寺傍建祠設像爲之祝壽汝愚因觴客於中命撤其像乃戲名曰一杯亭取且盡生前酒一杯之義

黃公亭 在玉山縣南三里宋縣令黃哀有政績既去民築亭繪像祀之朱文公書榜徐文卿有記

天開圖畫亭 在玉山縣治南宋邑人韓祥築

南康府

折桂亭 在府西二十里唐李逢吉讀書於此後登進士第故名

真意亭 在府治後宋郡守陸德輿建取朱熹梅花詩真意還自在之義

起亭 在府西北二十里下臨臥龍潭宋郡守朱熹建時歲方旱以爲龍之淵臥者可以起而天行矣

壯節亭 在府治西劉凝之墓前文公守郡時建後郡守魯集重修復請記於文公明天順間知府陳敏政復修建

漱玉亭 在府西一十里宋僧若愚建瀑布泉落龍湫流經於此紫亭而出如漱玉

玉淵亭 在府西北二十里洞中白石如羊臥者不可數計宋張孝祥嘗書玉淵二字石刻猶存

張錦亭 在府治南宋郡守朱熹建

寒泉亭 在府城北二十里泉極清冷雖盛夏酷暑飲此泉而毛髮自爽

望雲亭 在歸宗寺前沃壤平曠禾黍暢茂望之若雲

萬竹亭 即綠筠亭在開先寺宋郡守樓杓喜其萬竹森然瀟瀟清虛故名

滴翠亭 在萬杉寺側後有三分池水自山陬垂注石上跳躍如珠更名散珠亭石上有龍虎慶嵐四字

養生亭 在都昌縣東南邑令李偁建於池上春則買魚養於池以供公需

喚渡亭 在建昌縣治南唐白居易謫江州司馬嘗過此賦詩建昌江水縣門前立馬教人喚渡船好似昔年歸蔡渡草風莎雨渭河邊因摘詩中二字名亭

宋黃庭堅書於亭中

九江府

白蓮亭 在廬山之麓謝靈運為慧遠鑿池植白蓮

高遠亭 在府治東李渤建

琵琶亭 在府城西江濱唐司馬白居易送客聞商婦彈琵琶作琵琶行立亭於此

浸月亭 在府城西甘露湖中墩圓如月白居易作亭其上後人因其別時茫茫江浸月之句故名

竹亭 唐建亭外山圍湓浦峯望香爐歸雲輪囷片片可數獨孤及有記

夜話亭 在圓通寺宋居訥禪師與歐陽修夜話於此因建亭其上後圯明崇禎間布政使朱之臣復建

慕道亭 在府治南石塘鋪之右覆濂溪先生碑

義豐亭 邑人好義聚居如陳王梅鄭多至于口以爲此山之應

攬秀亭 在府城南元總管李獻建

白雲亭 在彭澤縣南一十五里唐狄仁傑宰彭澤奏赦犯大辟者三百人民德之建祠立亭後人因取其望雲思親之意爲名明正統九年重建

六角亭 在彭澤縣治西元吳澄有記

魯望亭 在彭澤馬當山之麓陸魯望居此故名魯望名龜蒙時謂江湖散人元至正間邑令王國輔重修

建昌府

盱江亭 在府城盱水之上南唐制置使陳暉建

小心亭 在府治西宋饒道深有詩

甘露亭 在府城內元妙觀宋景祐間甘露降松上因建

醒心亭 在府城東七十里杉嶺上亭下有泉宋時鄉民王百貞建

崖亭榭午猶寒平時舉目看山處到此憑欄直下看

垂玉亭 在麻姑山羅倫有詩

遺愛亭 在從姑山宋胡舜舉立

益簪亭 在新城縣北宋邑宰趙汝崖建

樓臺烟雨亭 在廣昌縣北宋邑宰朱汝賢建

撫州府

茱萸亭 在府治東王羲之故宅九日游賞處也

懷謝亭 在府治東園昔人建以懷謝靈運也

玉茗亭 在府治內宋時建亭下有花名玉茗人以比揚州之瓊花宋元名流多賦咏之

瀛洲亭 在府治內金柅園西其景爲一郡之冠

壽樟亭 在府城東北清遠鎮禪居東山有樟木一輪圍三尋故名

青雲亭 在臨川縣學後青雲峰上宋嘉祐中邑令謝卿材宴里亭有登高先得會青雲之句故名

南阜亭 在崇仁縣南二里元虞集嘗作樂府一曲約熊少府游此

飲歸亭 在金谿縣治宋建亦名射亭會南豐有記

臨江府

覽勝亭 在府治南石溪寺右唐盧肇憇此覽山水之勝後人作亭表之

吸川亭 在府治宋時判官廳面大江稱奇觀

魁星亭 在府學內面閣卓諸峯如玉立然

化棧亭 在清江縣東三十里清江鎮陶侃漁於雷澤得織棧掛壁間一日雷電棧化爲龍去後人因作

亭陶侃墓前明洪武初重建張九韶記之

願豐亭 在清江縣江南濱江舊名四望宋高斯從

改今名取杜甫憂國願年豐之句

秀江亭 在縣南濱江宋隱者吳元叔建黃庭堅訪

之有詩

景疏亭 縣西一十里宋歐陽國華致仕歸景慕二

疏而作學士徐君平記之

兩者亭 在縣學西朱文公守長沙道經於此與謝

謬會時人作亭以表之

綠陰亭 在新喻縣學俯瞰袁江唐盧肇有詩

雙秀亭 在新淦縣宋時有鄧氏二子長曰佑擢重

科季曰佶登三禮科築亭江上扁曰雙秀朱巖爲記

吉安府

凌波亭 在府城南瞰江宋時建王廷珪有詩

正氣亭 在府城北螺子山忠義祠前明正德三年

知縣鄧鸞建有石刻丞相年譜諸忠義小傳文天祥

有正氣歌

橫江亭 在泰和縣治南取黃庭堅江橫決過廳之

句爲名

飛霞亭 在吉水縣北文江樓側舊名落霞宋楊解

改今名爲宦遊迎送之所

白華亭 在吉水縣學右隋李孝子墓側

相石亭 在永豐縣南一百八十里文丞相空坑兵

敗趙劍南李恆追丞相至此殘及之忽巨石墜塞道

上聞之追騎驚伏丞相得脫身去後人以爲神相因

名曰相石

瑞州府

翠微亭 在府治後碧落巷右歐陽守道有記

松風亭 在府治宋文天祥建

郡署方治亭 蘇子由爲毛太守題八味此其一

菽菴亭 在敖嶺明正德中知縣張翀建石亭以便

遊憩

呂公亭 在朝陽門外真如寺前明萬曆間高安知

縣田一甲因宋呂祖儉墓在此而建亭以表之

塵外亭 在高安縣治宋建倪思書額沈樞有詩

瑞芝亭 在新昌縣西小道院後黃庭堅有詩

竹西亭 在新昌縣治西北隅提舉黃楚夫修

袁州府

需宴亭 在府治南唐太守房琯建

疏泉亭 在府治內宋袁延慶倅是州民罹火災延

慶疏渠以備火民甚便之因名疏泉

徐仙亭 在萍鄉縣西三里世傳有徐仙人修道於

此宋紹興間縣丞卓津建亭壁間題味甚多

贛州府

塵外亭 在府貢水東馬祖巖巖蘇軾文天祥有詩

御風亭 在府城西五里宋郡守曹訓建明洪武初

間重建

雷岡亭 在府貢水東元參政全普安徹里建明成

化間知縣何文縉修正德戊寅知府邢卿重修萬曆

庚寅王巡撫敬民植松於上改名萬松亭又扁曰水

雲深處

凌雲亭 在金精山明正統間建蓋漢女仙張麗英

飛昇之處

望需亭 在零都縣城西隅邑令張宗謬招邑人王

鴻於需巖不能致乃作是亭以抒想望之意

南安府

面南亭 在府治內宋紹興間郡守趙行之建取唐

韓愈詩面南看芙蓉之句爲名

綠陰亭 在府治內宋郡守李彝建亭之側前有池

池右竹根森列王奇詩粉得幽亭近嶺梅綠陰名好

稱仙才四邊山色簾頭出一帶泉聲竹裏來

光風霽月亭 在府學明建以舊有朱熹光風霽月

四字遂扁其上

拂雲亭 在上猶縣聖濟院棟宇壯麗甲諸蘭若

湖廣通志

武昌府

封建亭 在府城西南門外明初平江夏駐蹕於此

謂此當封建王後果然

呂仙亭 在府治南舊傳亭前聚木未嘗實一歲忽

有實如瓜太守命小吏採而進小吏輒私啖之遂仙

去又傳太守與倅奕有仙人忽至云太守奕敗果然

仙於郡前吹笛因不見隨笛聲上樓上唯見石鏡題

詩末書呂字而去故今名呂仙亭

壓雲亭 在黃鶴山椒舊爲頭陀峯頂院元世祖至

鄂常駐此觀覽形勝至正間因建亭於此

曲水亭 在布政司治東北又有喬木等亭即古所

謂楚望矣

江漢亭 在府倅廳宋張杖倅記張芸叟南遷錄云

鄂倅公宇因古城作亭榭俯瞰江漢景物最秀

石照亭 在黃鶴樓西臨崖有石如鏡石色蒼澀無

異凡石每爲西日所照則炯然發光宋賀鑄詩西城

夕陽晴東坡石鏡明有山分八字共作兩眉橫

殊亭 在武昌縣唐縣令馬向建元結作記取其才

殊人殊行殊迹殊此亭又殊命曰殊亭其詩曰時節

方大暑試來登殊亭憑軒未及見忽若秋風生

廣宴亭 在樊山唐廣德中樊口津吏欲爲候舍元

結驗之圖記以爲故孫吳宴遊地乃諭縣令馬向修

之爲亭取謝朓樊山開廣宴之句以名結爲記

怡亭 在殊亭東唐裴鷟作宋蔣之奇云怡亭銘刻

於江濱巨石之上乃唐李陽冰篆李莒八分書裴虬

爲之銘世謂三絕

九曲亭 在九曲嶺下宋蘇軾建弟轍作記其略曰

于瞻暇適西山行於松柏之間羊腸九曲而獲少平

遊者至此必息倚怪石陰茂樹有廢亭焉其遺址甚

陋不足以席衆賓其傍古木數十其大皆百圍千尺

不可加以斧斤一旦大風雷雨拔去其一亭得以廣

子瞻與客入山視之笑曰茲欲以成吾亭耶遂相與

營之亭成而西山之勝始具

滄浪亭 在興國州治後宋王十朋詩荷有香能凝

燕幾緩無塵可濯滄浪

解劍亭 在武昌縣東北通淮門外江次齊安拾遺

云五洲在州南與解劍亭相對伍子胥渡江奔吳之

地宋蘇軾謂子胥渡處對劉郎決亦五洲地也未知

何據

乖崖亭 在布政司宋李燾設張忠定公詠之像於

其內有文記之
漢陽府
秋興亭 在鳳棲山巔唐刺史賈載建中書舍人賈

至作記大略謂詩人之興秋最高故以名亭

雙松亭 在秋興亭東唐李白將遊衡岳過漢陽嘗

於此亭別族弟浮屠法浩有詩

清光亭 在郎官湖上本名郎官亭宋咸淳間改今

名蔣之奇詩鄭圃僕射陂漢陽郎官湖郎官何爲名

張謂佩使符泛觴江城南通與太白俱明月一萬頃

清光天下無

湧月亭 在鳳棲山上宋黃清老建今巨石上有湧

月二字

黃州府

如畫亭 在府治東宋王禹偁建蘇軾詞望江山如

畫因以名亭

會遠亭 在府治北王禹偁建

四望亭 有二一在府治東雪堂南高阜上唐太和

中刺史劉嗣之建李紳作記一在蕪水縣斗方寺後

覽春亭 在府治內韓琦建嘗作詩序琦又建春草

亭於東門外

遺愛亭 在府治南宋元豐中徐猷爲守有善政既

去蘇軾以此名亭

四見亭 在蕪州北塔後山巔宋范純仁名蓋傲其

父仲淹守鄱陽建四望亭之意

快哉亭 在府城南宋郡人張夢得建以覽江山之

勝蘇軾扁曰快哉又爲之作詞末句云一點浩然氣

千里快哉風

雙鳳亭 在黃陂縣治東即二程讀書處後人慕之
作此亭
墨嶂亭 在蕪水縣蘇軾所名

迴瀾亭 在蕪水縣南蘭溪岸蘇軾遊此見水盤旋

書二字於石壁後人立亭

萬松亭 在麻城縣西一百里宋縣令張毅爰道植

松萬株立亭其中故名蘇軾詩十年栽種百年規好

德無人助我儀爲問幾株能合抱殷勤記取角弓詩

安陸府

浩然亭 在白雪樓側唐王維過郢畫孟浩然像於

刺史廳後因以名亭咸通中改孟亭皮日休記

陽春亭 在府治通判廳與白雪樓相望

解珮亭 在府城北一十里漢江邊即鄭交甫遇仙

女解珮處旁有漢皋亭宋孔彝詩蒼茫遺珮憐交甫

零落清歌送莫愁

迎恩亭 在沔陽州城東門外紅花堤上

夢野亭 在景陵縣治西南隅一目而盡雲夢之野

最爲郡中勝處宋景祐中州守王琪建有記晏殊宋

祁吳育蘇仲石延年皆有詩張耒詩云高甍巨櫺壓

城闔平視如將七澤吞茂度春光招宋玉碧閣干外

獨消魂

德安府

范公亭 在府治中宋呂大防謫居時建名呂公亭

後范致君再寓此讀書故名

堯夫亭 在九嶷山范純仁字堯夫倅安州嘗饒客

於此後人因建此亭

車蓋亭 在府治西北魏文帝詩西北有浮雲亭亭

如車蓋名亭以此宋蔡確嘗遊此有詩云紙屏石枕

尹公亭 在隨州治東宋曾鞏記有云慶曆之間起居舍人直龍圖閣河南尹公洙謫是州居於城東五里開元佛寺金燈院一時與之遊者皆世之聞人而人人自以爲不能及於是時尹公之名震天下而其所學蓋不以貧富貴賤生死動其心故其名亦隨日以考圖書通古今爲事而不知其官之爲謫也嘗結茅爲亭既去而人不忍廢因名之曰尹公亭治平四年司農少卿李禹卿爲是州因其故址增修之

荊州府

調絃亭 在石首縣東六十里俗傳伯牙鼓琴於此至喜亭 在彝陵州南宋守朱慶基建宋歐陽修記有云彝陵爲州當峽口江出峽始漫爲平流故舟人至此者必漚酒再拜相賀以爲更生尚書虞部郎中朱公再治是州之三月作至喜亭於江津以爲舟者之留停也且誌夫天下之大險至此而始平夷以喜夫人之去憂患而就樂易詩所謂豈弟君子者矣南極亭 在松滋縣東三十里舊名江亭唐杜甫詩鳥帽隨鷗鳥扁舟繫此亭江湖深更白松竹遠還青一柱全應近高唐其再經今宵南極外甘作老人星秋風亭 在巴東縣大江左寇準建蘇軾詩人知公惠在巴東不識三朝社稷功平日孤舟已何處江亭依舊傍秋風合江亭 在宜都縣治後元縣尹譚文德登覽江表二水合流因建此亭來豐亭 在楚塞樓後宋朱慶基爲郡歲屢豐後人作亭以志其思

襄陽府

聞喜亭 在府治唐太守裴坦建趙璘撰記宋歐陽修有詩岷山亭 在府城南岷山宋熙寧初史中輝因舊重建歐陽修有記漢廣亭 在府城南望羣山環繞漢水映帶平陸萬里使人感慨一名北顧亭漁樂亭 在府城外竹柳陰森清流貫其間紫雲亭 在均州淨樂宮內宋晁端夫云面迎武當之疊嶂左瞰漢江之巨浸望仙亭 在均州舊記有云西南絕勝之境耶陽府登爽亭 在竹山縣治東宋姚叔勉詩有登臨安樂襟懷爽之句

長沙府

三芝亭 在府治後明嘉靖辛卯園桑產芝三本鳳音亭 在湘潭縣西部山相傳韶氏三女得道有鳳凰銜天書至此裴公亭 在寧鄉縣治南裴休讀書處敬簡亭 在舊府治後朱熹題

永州府

西亭 在郡治高山寺側即唐法華寺崖右有聽泉亭又有南亭柳子厚有記三亭 在零陵縣治東山麓泉側唐令薛存義建一日讀書林一日相秀一日俯清柳宗元有記

寶慶府

六亭 在府城內六山遙遞宋理宗置亭其上

雙清亭 在府治北資邵二水合流其下爲一郡名勝地

岳州府

九君子亭 在平江縣儒學江天清嘯亭 在臨湘縣鴨欄磯上

靖州

合卷亭 在州城西門外東衝爲陶絃妻王氏列女合葬時交遇之處

風雨亭 在綏寧縣城東五十里藍溪之中其地崇樹疊嶺澗水繁紆往來者多倚巖倚木宿有風雷虎狼之恐

福建通志

龍峯勝覽亭 在九仙山平遠臺側明林謙詩有林間五月涼颼動座上千峰翠色來之句

福州府

祖廟亭 在郡城南嘉崇里明永樂中建廟後一丘蓋無諸塚也或曰漢書載閩越王郢伐東粵其弟餘善鏐紱之倉卒變起投甲城南父老穿塚旁往往拾其遺鏐殘甲疑茲丘爲郢墓也

幽幽亭 在道山北宋沈遼爲候官令作臺其上曰岐青後相繼守郡者併臺爲亭蔡襄書額曰幽幽太虛亭 在凌霄臺下明嘉靖間有僧頂大笠跌坐烏石巖遂作菴於此號太虛上人後爲郡人董應舉別業

泉州府

魁瑞亭 在舊晉江縣學宋曾從龍爲縣學諭時雙蓮產於亭池明年擢進士第一故名

二公亭 在東湖大阜中爲唐席相姜公輔構
鳴皋亭 在惠安縣左宋李侯惟一鶴自隨故名
觀瀾亭 有二一在安溪縣西通安門宋令謝映建
陳迹書扁一在東水門泊上

建寧府

八卦亭 在郊南紫芝坊橋邊宋朱松尉政和尤溪
二縣時作環溪精舍攜子熹往來於此熹年幼遂於
沙上畫八卦圖後人遂立亭爲名
碧草亭 在上相里等覺寺前扁江取淹春草碧色
之句

綠波亭 在浦城縣南溪側亦取江淹春水綠波之
句
浮翠亭 在永忠里朱熹有和劉叔通詩弱植有孤
念獨往窮名山那知歲月遊白首塵埃間今朝定何
期憑高眺清澤羣賢亦戾止共此一日閒晤言不知
疲林昏鳥飛還勝地可無記重來諒非艱留語巖上
石毋使門常關

風泉亭 在五夫里之白水峯宋建朱熹題扁并詩
云澗谷居求久高情未云酬茲焉發天祕始造寒巖
幽上有茂樹陰下有清泉流結亭倚巖峭鑿磴窮嵌
丘翠壁自屏立青蘿亦環周竭來憩未夏凜若臨清
秋仰空詠笙竿俯檻鏘琳瑯幽聽一以會悠然與神
謀遐哉越世心暇日聊娛憂笑問車馬客誰能此淹
留

黃亭 在豐陽里宋時建亭以黃石取土冠水之義
陸游詩未到名山夢已新千峯拔地玉嶙峋黃亭一
夜風吹雨似與遊人洗俗塵

延平府

仰高亭 在沙縣廳右洪武間建爲官僚游憩之所
一覽亭 在沙縣南宋給事張致遠詩三寺樓臺煙
霧裏一川蘆葦畫圖中

興化府

湖信亭 在府城外東五里熙寧橋西宋知軍張讀
建風靜波平時臺山倒影於此
共樂亭 在州峯之巔宋蔡襄有詩隆興中知軍劉
綽榜其門曰芳菲谷

望海亭 在桃峯上宋正字方薰有記
拱筆亭 在孝仁里貂峰麓明知府岳正題額下有
塘數畝荷花開時香聞數里

漳州府

君子亭 在府治後宋守朱熹建後守趙汝諱建爲
亭名曰君子有詩云吟行小泓曲意象闊滄溟更上
層臺上霜天淨翠屏
九區亭 在府治前宋守朱熹建後守方來重新之
又於府治西作仰亭以致景仰之意

亦佳亭 在別駕署宋郡倅黃之傳建有詩云小亭
新築亦佳哉花木無多手自栽若謂甘棠多取比清
陰留與後人來

碧玉千峯亭 在紫芝山宋守危稹建顏頤中詩云
美哉異齋翁保構捐金錢橫經踞阜比冠蓋來三千
交翠亭 在府治東宋守方來作又有遠觀銀光清
心三亭

澤露亭 在府城中宋李亨伯有甘露降其家庭柏
上因名

半漳亭 在登高山半宋郭祥正詩云危簷飛赤壓
層丘見盡臨漳一半洲
達觀亭 在齊雲閣山巔宋守黃朴建又作亭曰流
翠曰揖汝丘以通半漳亭

名

狀元亭 在府治內宋守陳樸館甥曾從龍於此故
名
瑞荷亭 在府學內宋乾道年泮池荷四葉同幹故
名

威鎮亭 在紫芝山頂明弘治間建楊勳詩有東北
帆檣接閩浙西南水陸會潮汀之句
甘露亭 在登高山次峯時甘露降孫裕建亭志瑞
盞簪亭 在舊子城宋守李勳建士大夫南遊者皆
館焉

留佩亭 在龍溪二十六都宋通判鄭漢代去郡人
攀留漢留佩以爲別後人即其地建亭因名
秋江亭 在龍溪城外元呂養浩俯龍溪建亭以其
自號而顏焉楊志行爲之記

得仙亭 在名第山周匡物登第有二十三人同得
仙之句因名劉禹錫有詩
湖心亭 在東湖舊有亭寶慶守方淳重新之後守
趙以夫作摸魚兒詞

樂全亭 宋劉衍掛冠歸即所居旁築亭名曰樂全
與郭祥正徜徉其間一觴一味以娛其親
歸耕亭 楊承祖除知梅州年五十歸來作別墅扁
其亭曰歸耕作詩有新開竹徑從風入小坐松岡待
月生之句

美報亭 在漳浦縣東門外宋令歐廣鑿放生池構

是亭

晉亭 在梁山蓮花峯之西晉葛洪居之唐張登有
瀟洒晉亭峰之句

白鶴嶺亭 邑簿陳致中新構此亭題曰石簣寒泉

響玉微開雲出岫繞松扉一從白鶴高飛去栖碧亭

空鎖翠微

皆山亭 在東嶽廟左宋姚東詩有間數炊煙分聚

落坐收奇勝入壺尊之句

雙清亭 在祐聖宮旁朱令吳臧建題詩云葛巾竹

杖閒來此可是心清跡亦清

熙春亭 在學東又有正陽亭在長泰縣南

待詔亭 在長泰縣北人和里因旌林孝子待詔於

此故名

侍郎亭 在三平山唐王渢自吏部侍郎謫漳浦郡

到州訪三平大師義中談禪論易故山有侍郎亭故

址

臨江亭 在蛤州明洪武間徵士陳元振隱此

甘露亭 在學宮內明萬曆丁酉甘露降於學宮知

縣黃夢鴻建亭誌瑞

雲雷亭 在寧洋縣南三里禱雨多應

曹仙水亭 在香寮曹四公以劍擊石得水處

仰高亭 在嶺頭絕頂上有振衣千仞字明令鄧子

蕃建

福建

桂枝亭 在赤岸五里乾符二年林嵩登第歸里東

西二門各建華表構亭立碑

見江亭 在州治東二里

節婦亭 在州治北街口明嘉靖十六年周珙爲顧

氏建

展峯亭 在福安縣後林子勳建登眺其上以望雲

物

天峯亭 在白鶴嶺上宋令徐夢發建

欽定古今圖書集成經濟彙編考工典

第一百五卷目錄

亭部彙考三

廣東通志 廣州府 韶州府 惠州府 潮州府 瓊州府 瓊崖府 瓊州府 瓊崖府 瓊州府

雷州府 瓊州府 瓊崖府 瓊州府

廣西通志 桂林府

雲南通志 武定府 廣西府 大理府

貴州通志 貴陽府 平越府 鎮遠府 思州府

亭部藝文一

高祖沛水亭碑銘

漢班固

荊州放生亭碑

梁元帝

末陽王齋後山亭銘

陳江總

山亭興序

唐王勃

越州秋日宴山亭序

前人

夏日宴張二林亭序

前人

綿州北亭羣公宴序

前人

宇文德陽宅秋夜山亭宴序

前人

李舍人山亭詩序

楊炯

宴梓州南亭詩序

盧照鄰

薛大夫上亭宴序

陳子昂

奉陪武衛馬宴唐卿山亭序

宋之問

沔州秋興亭記

賈至

陪司馬武公宴姑孰亭序

李白

趙公西侯新亭序

前人

汝州薛家竹亭賦

王洽然

李晉陵茅亭記

梁肅

還珠亭賦

令狐楚

寒亭記

元結

殊亭記

前人

廣宴亭記

前人

零陵三亭記

柳宗元

永州萬石亭記

前人

柳州東亭記

前人

馬退山茅亭記

前人

桂州營家洲亭記

前人

永州法華寺新作西亭記

前人

考工典第一百五卷

亭部彙考三

廣東通志

廣州府

餘莫亭 在朝臺唐刺史李毗建凡使客舟楫避風雨者皆泊此

甘溪陸公亭 在郡城東北五里北山下吳刺史陸引自西北百餘里築堤滿水以便民汲民遂建亭其上以寓思焉

僊履亭 在東莞縣紫霞壇上道士崔羽羽化之所覽秀亭 在東莞縣道家山尉廨後大德己亥縣尉劉進程嘗割肝療母疾於此今廢

謫僊亭 在順德縣古樓知縣吳廷舉為鄭智建明陳獻章吳廷舉將昇有詩

坡亭 在新會縣北八十里石瀑岡下枕南海宋紹聖中蘇軾謫官儋州過此值江潦大漲留數日居人慕之築亭於上

列秀亭 在連州學東南羣巒拱秀衆流環繞登其上超然如在蓬瀛中張魏公後常登臨焉

飛泳亭 在龍津門外亭下巖石清絕唐為祝聖放生之所刺史蔣防有磨崖銘

湖上十亭 在連州海陽湖上刺史劉禹錫建日吏隱曰切雲曰英雲潭曰真覽曰裴溪曰飛練瀑曰藻池曰琴絲瀑曰月窟曰雙溪唐元和間裴昭以御史貶連州嘗與禹錫倡和其間謂之海陽十詠

元豐十二亭 日燕喜曰四望曰八顧曰百花曰擷芳曰蓮照曰清輝閣曰清懷閣曰都景樓曰海陽樓日峽山洞日大雲洞宋治平以前亭名已廢至元豐初知州杜杆乃刻石記之

紹興十二亭 日燕居日月窟日真覽日振驚瀑日飛練日君子日天澤日臥龍日鍾美日十韻日聚秀日勿幕郡守徐常記自天澤以上因唐人遺跡臥龍以下乃後人所創宋紹興知府陳賡重創有張瑄詩敬亭 在南海縣西樵山聚仙堂上嘉靖初霍文敏公建萬曆己丑從孫尚守重修亭可望萬里山川一瞬可悉縉紳遊西樵者多宴集於此

番山亭 在府學尊經閣後番山之上宋乾道三年經略使周自強建匾曰九思

浴日亭 在南海縣神廟西山前瞰大海鷄鳴見日從海起故名洪武二年平章廖永忠易日拱日

勸農亭 在順德縣阜南門外知縣吳廷舉建書農事要語於壁間

觀風亭 在新會縣兵備道後北依蒼厓南瞰遠海景勝幽雅

福泉亭 在連州靜福山石甃流杯池為福字

壽泉亭 在連州北山寺右石砌流杯池爲壽亭
燕喜亭 在連州城北唐貞元間吏部侍郎王弘中
謫官於連建是亭以爲燕遊之所韓愈記之

韶州府

三楓亭 在曲江縣之界圖經云曲江有脩仁水水
北有三楓亭梁范雲有詩

望韶亭 在府城東八十里甘竹都望韶菴宋郡守
范端臣記

整冠亭 在帽子峰上乃取唐韓愈詩上賓虞舜整
冠希而名左瞰浪水右俯武溪萬山層疊悉聚目前

朱守梁安世記

衆樂亭 在英德縣涵暉谷外下臨澄江宋郡守方
信孺建連希覺記

寒翠亭 在英德縣南山石壁有蘇軾題

湘江亭 在府城東門外一里宋時饒別處

拱極亭 在府城芙蓉山漢康容煉丹之所泉出山
頂石罅味至清冽

更上亭 芙蓉山舊有亭後圯學道魏浣初題此名

知縣潘復敏建

東郊亭 府郡東河堤上嘉靖庚子知府符錫建爲
迎春之所

寫心亭 舊爲濂溪祠地後接筆峰祠地蓄山泉秋
冬不竭夏月蓮花盛開有茂叔之遺愛存焉亭額有

跋

清平亭 在府城北數武亭前一片地舊爲墟市嘉
靖丙午郡守陳大綸建侍御何維柏有記

止渴亭 在乳源縣灘頭渡煮茶施衆教諭龐煒有

記

雪溪亭 在翁源縣西門外三里今建爲橋

薰風亭 在英德縣南山宋郡守李修有記

讀易亭 在英德縣南山石汝礪解易於此故名

所茭亭 在英德縣南二十里峽山鋪之左英民爲
知府符錫開鑿峽路往來經畫憩此立亭刻石以志

之

觀泉亭

超然亭 俱在英德縣潮水嶺嘉靖十九年建尚書
湛若水書額

觀州亭 在英德縣後山巔登之可觀一方勝概

惠州府

松風亭 在歸善縣學東北見蘇軾詩

第一江山亭 在歸善縣治後園旁有二小亭東曰
方舟西曰方壺有參政吳高舊記

野吏亭 在府治東北隅蘇軾記其壁曰故相陳文
惠公建立此亭榜曰野吏

挹秀亭 近東坡故居三亭皆前令遊憩之所邑人
比之甘棠焉

湖山勝覽亭 在歸善縣永福寺正德中郡守陳祥
關淫祠改建知縣祝允明記

印山亭 在郡城內百官池上嘉靖己亥郡守李玘
捐資重建推官方邦望復兩峰侵疆闢爲路自西北

至平湖鉅鐘樓之下往來甚便

朝東亭 在博羅縣東門外溯江流而東向之建此
以應識

望驪亭 在博羅縣浮艇岡上登此以望黃甲峰驪

光也

登高亭 在博羅縣北登高鎮邑人重九登高於此
方飯亭 在海豐縣五坡祠後中有文天祥像甘公

亮記

愛梅亭 在龍川縣迎衛驛側正德十四年刑部主
事李中謫於驛見公署中多梅遂構有記

介壽亭 在龍川縣雷鄉驛左宋郡守韓京因母老
疾薦禱於天妃而愈乃創於天妃宮前

飛躍亭 在龍川縣北一里水心之北前宋韓京勸
農於此立焉

浴風亭 在龍川縣東山書院之左知縣彭峻偕紳
士講學憩遊於此因構亭焉

豐濟亭 在興寧縣南二里蕭瓊造爲行人待渡之
所

中道亭 在興寧縣西十五里明隆慶二年副使張
承弘立於興寧長樂界中

潮州府

仰高亭 在潮陽縣東二百里石門在其東題曰
張許二公祠

思亭 在鎮平縣石宿都相傳宋知州劉安雅瀕行
父老送之餽以膳不受乃建思亭云

觀瀾亭 在府城金山上舊名望海明知府郭春震
易以今名

水簾亭 在潮陽縣東山有泉溜垂下如簾流於亭
下可以浮觴又謂之曲水流觴亭

樓雲亭 在饒平縣黃岡石壁山松筠蒼翠石洞煙
霞群峯盤旋滄海在目一方之勝